



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Schefferi Argentoratensis De Re Vehiculari  
Veterum Libri Duo**

**Scheffer, Johannes**

**Francofurti, 1671**

Cap. XXIII.

**urn:nbn:de:hbz:466:1-13156**

tionem, nec perlatum per lecticarios in villam suam scribit, omnium vero minime de mulis docet ad lecticam.

*Vocatoq; lecticario.)* Mulionem vocat clare, non lectarium.

*Baram.)* Hoc barbarum, & à Gothis Germanisq; in Italiam translatum est vocabulum, Latinis p̄enitus ignotum.

*Humeris gestata scut sella.)* Quantum conjicio, putat ferculum Romuli fuisse formatum instar feretri sepulchralis, cum asperibus duobus, sic, ut à quatuor ferri posset hominibus in humeris. Verum totum hoc, quantumcunque, commentitium est, quod ex iis liquet, quæ de eo ferculo tradidimus.

### Cap. XXIII.

*Curru Deorum.)* Fersitan ex Tertulliano habet, qui currum Jovis in Circu plaustrum nominat. Verum ipse per contemptum ita loquitur, quod jam alibi notavi.

*In confictibus bellicis.)* Hoc mihi quidem nunquam lectum est.

*Parte prima sedet auriga.)* Firmat Curtius, quando ait lib. iv. cap. 16. *Auriga Darii, qui, ante ipsum sedens, equos regebat, hastatus fixus est.* Nec tamen perpetuum hoc fuit.

*Apertum erat retro.)* Non de plaustro, verum curru hoc intelligendum, eoque militari.

*In cuius fastigio sedebatur sub dio.)* Haec verò prorsus non intelligo. Defastigio currus dixi supra ad caput primum.

*Varro de Lingua Latina libro IV.)* Nusquam Varro petorriti facit mentionem irrhis quidem libris, qui nunc extant. Deceptus noster rursus ab amanuensi suo videtur, qui ex Gellio excerpterat haec verba, occurrentia lib. xv. cap. 38. *Petorritum vox est Gallica. Id scriptum est in libro M. Varronis decimo quarto rerum divinarum. Quo in loco Varro, cum de petorrito dixisset, esse id verbum Gallicum, lanceam quoque dixit non Latinum, sed Hispanicum.* Qvia Varro lanceam Hispanicam dixit vocem, noster etiam de petorrito hoc tradere putavit.

*Plautus in Eponon.)* Neque Plautus scripsit Eponus, neque vox pī-  
lenti  
ggg 3

lenti apud ipsum legitur. Horatius habet libro II. Epist. An fortassis compilator, cuius noster opera est usus, scripsit Flaccus, qvod non bene adspectum Pyrrhus putavit esse Plautus.

*In taberna quadam.)* Mox tamen ait subter scalas in facello bonæ Deæ. Qvanqvam neutrum verum sit, nam juxta ad facellum, extractus ex taberna, ubi latebras qvæsiverat, in via publica, est imperfectus. Vide Asconium ad hanc orationem.

*Vnde Livius lib. V.)* Cap. 25. sed ibi libri omnes habent non planstro, verum pilento, ut nil hinc seqvatur.

*Promiscuè idem significantes.)* Nusqvam, ubi Scriptores accurati sunt.

*Horatius Flaccus secundo epistolarum idem docet.)* Imò facit contrarium, istaq; ut diversa ponit. Verba ejus: *E feda festinant, pilenta, petorrita, naves.* Eqvibus nil elicias ejusmodi, qvod vult noster.

*Sicut tradit Servius Honoratus.)* Nullam litteram hac de re apud ipsum possum repetire.

*Alii carpentum.)* Ego nusqvam hoc inveni.

Cap. XXIV.

*Tantundem est ac carruca.)* Si impropiè loqvaris, non si propriè.

*Duabus constat rotis.)* Imò qvatuor, qvod manifestè docui.

*Nec Virgilius.)* Imò Juvenalis Sat. vii. Unde liquet manifestè, nostrum non consuliisse ipsos auctores, verum aliena usum esse opera, in congerendis ipsorum locis atq; verbis.

Cap. XXVI.

*Staticulum quoque species est vehiculi.)* Totum hoc falsissimum esse, alibi abunde demonstravimus.

Cap. XXVII.

*Leētia volibili.)* Qvæ qvalisve hæc volubilis leētia sit, mihi qvidem incomptum est. Puto plane natam ex ingenio Scriptoris nostri. Nam ejus apud veteres neq; vola extat nec vestigium.

F I N I S.